

HIERONYMUS.

ET ZEBIOZ.

EUSEBIUS.

HAVOTHJAIR. Vide AVOTHJAIR.

HEBAL. Vide GEBAL.

HEBRON. Vide ARBOCH & CHEBRON.

HEBRONA. Vide EBRONA.

HELAM, 2 Reg. x. v. 17. quam vocem etiam Septuaginta ut propriam acceperunt dicentes *Elam*, et si alii appellativè vertant; hunc locum vel urbem suspicor, ut ad eum locum dicam, fuisse apud Ammonitas, nam David Jordanem transiverat, & apud Ammonitas bellum gerebatur, Davidque aggressor erat, ut proinde in eorum patria bellum istud gestum meritò credi possit.

HELBA, urbs in tribu Aser, è qua pristinos habitatores ejicere vel noluit, vel non potuit, Judic. i. v. 31.

HELCATH. Vide ELEHATH.

HELEPH, urbs in tribu Nephthali, inque ejus postremis finibus versus Boream & Libanum montem, non procul Sidoniis & Aseritarum terminis, Jos. xix. v. 33.

¹ HELIOPOLIS, civitas Solis, urbs in Ægypto, pro qua in Hebræo scriptum est, *On*, in qua Petefres Sacerdos fuit. Meminit hujus & Ezechiel. *Ἡλίου πόλις, πρὸς τῇ Αἰγύπτῳ πόλις, ἣν τὸ ἑβραϊκὸν ὀνομάζει Ὠν, ἧς λέγεται Πετεφρὴς ἱερεὺς. κείται καὶ ἐν Γεζεχιήλ.* HELIOPOLIS, id est, civitas Solis juxta Ægyptum, civitas quam Hebræa lingua nominat *On*, de qua dicitur Petefres Sacerdos. Extat & apud Ezechielem.

HELLAS, eadem quæ *Græcia*, 1 Machab. viii. v. 9.

HELMONDEBLATHAIM, Israëlitarum mansio in deserto, Num. xxxiii. v. 46, 47.

HELON, oppidum apud Moabitas, Hierem. xlviii. v. 21. Est & *Helon* civitas Sacerdotalis in tribu Juda, 1 Paral. vi. v. 58. quæ Jos. xxi. v. 15. *Holon* appellatur. Jos. autem Cap. xv. *Olon* dicitur. Est & tertia *Helon* Levitica civitas, 1 Paral. vi. v. 69. quæ Jos. xxi. v. 24. *Ajalon* nuncupatur (nam in Hebræo eadem utrobique vox est) in tribu Dan civitas, et si ibi supra, 1 Paral. vi. videri possit Ephraimitis adscribi; verum illud advertendum ibi Leviticis civitates tribus Dan adjungi & misceri Leviticis civitatibus tribus Ephraim.

HEMATH. Vide ÆMATH.

HENOECH urbs, cui Cain de nomine filii sui Henoch nomen imposuit, Gen. iv. v. 17.

HERMA. Vide ARMA & ERMA.

HERMON. Vide ÆRMON & ERMON.

HERMONIIM seu HERMONIUM, jugum humile montis Hermon versus montem Thabor procurrans, hinc Psal. xli. v. 7. dicitur *Hermoniim*, mons modicus. Meminit *Hermonis* cis Jordanem & *Hermonii* Hieronymus in Epitaphio Paulæ, ubi satis indicat non admodum procul distare monte Thabor: *Scandebat*, inquit, *montem Thabor*, in quo transfiguratus est Dominus: *aspiciebat procul montes Hermon & Hermonium & campos latissimos Galilææ*, quibus videlicet adiacebant hi montes.

HEROOPOLIS, seu *Heroum* civitas in Ægypto. Vide supra EROIM CIVITAS.

HESEBON. Vide ESEBON.

HESER, civitas, quam ædificavit Salomon, 3 Reg. ix. v. 15. Vide supra ASSURE.

HESMONA. Vide ASEMONA.

HESRON, urbs in tribu Juda, Jos. xv. v. 25. eadem eodem capite v. 3. appellatur *Efron*: ex quo liquet esse in extremis ad Austrum ejus tribus finibus. De hac & supra in ESRON.

HETHALON, apud Ezech. Cap. xlvii. v. 15. & Cap. xlviii. v. 1. locus in terminis terræ Israëliti- cæ ad plagam Septentrionalem.

HETTHIM TERRA, in qua nova Luza condita ab Ephraïm illo, qui Bethel Luzam Israëlitis prodiderat, quæ sit disputamus, Judic. i. v. 26. ubi non esse Cyprum ostendimus, difficile tamen est definire quænam illa sit, sed tantum conjecturæ locum esse, inclinamusque in tractum aliquem Arabiæ.

HEVILA & HEVILATH. Vide EVILA.

HIERAPOLIS, cujus meminit Paulus ad Colossen. iv. v. 13. Phrygiæ urbs est Ptolemæo, Straboni, uti & Colossæ, ad cujus cives ea epistola scribitur, & Laodicea, cujus itidem eodem versu apud Paulum fit mentio, Phrygiæ sunt urbes Straboni; idemque Lib. 13. contra Laodiceam esse *Hierapolim*, ubi calidæ aquæ scaturiunt, testatur. Stephano *Hierapolis* urbs est inter Phrygiam & Lydiam.

HIEROSOLYMA. Vide infra JERUSALEM.

HIPPUS, Coelefyriæ urbs trans Jordanem, cujus sæpius meminit Josephus, & aliquoties in hoc libro de locis Hebræicis Hieronymus. Fuit autem ad mare Galilææ cum à Josepho statuatur triginta stadiis abesse à Tiberiade in vita sua, & totidem à Gadara. Illud tamen de distantia à Tiberiade difficultatem habet, cum ab eodem Josepho maris Galilææ latitudo ponatur quadraginta stadiorum. Fuit hæc urbs habitata à gentilibus & exteris, cum à Pompejo eam urbem redditam pristinis habitatoribus scribat Josephus, xiv. Ant. Cap. 8. & i. Belli Cap. 5.

HIRSEMES, urbs in tribu Dan, Jos. 19. v. 41. ubi & versio nostra hujus vocis interpretationem ponit, hoc est, *civitas Solis*, quam Græcè *Heliopolim* appellare possis, quam tamen vocem Septuaginta Interpretes non habent, sed *πόλιν Σαμῆς*.

N O T Æ.

1. Hujus fit mentio & illius *Petefres* seu *Putiphare*, Gen. 41. & 46. *Heliopoleas* etiam meminit Ezechiel, Cap. 30. v. 17. in prophetia adversus Ægyptum. Apud Isaiam Cap. 19. v. 18. *civitas solis* appellatur. Meminit & *Heliopoleas* in Ægypto Ptolemæus, Stephanus Lib. de urbibus, Strabo Lib. 17. Plinius vero Lib. 5. Cap. 9. *solis oppidum* nominat. Idem eodem capite inter Nomos seu præfecturas Ægypti *Heliopoliten* nominat. Cur autem ita appellata sit indicat Strabo Lib. 17.

quodd templum Solis haberet, in quo Sol coleretur. Hanc etiamnum vocari *Bethsemes*, hoc est, Domum solis, sunt qui asserant, interque ceteros *Guilandinus*, quæ tamen vox planè Hebræica est. BONFRERIUS.

2. Τὸ ἑβραϊκὸν] Intelligitur *ἱδαφος*, vertendumque fuit *textus Hebræus*, non *lingua Hebræica*, ut fecit *Bonfrerius*. Frequens est ea locutio in hoc Libro & apud omnes Patres Græcos. CLERICUS.

1. Hanc